




Europa caórdica

Description



E resulta agora, pasado ese medio século, que unha tremenda crisis económica, que algúns prefiren chamar financeira, para disimular, non atopa resposta política unitaria europea na reunión dos 20 en Londres, nin, sobre todo, no día a día da política internacional. Din os devotos que iso proba que non se avanzou coa debida celeridad na construción política, pero compre preguntar cál é a velocidade ideal e quén a determina. [Foto: Gordon Brown no Cumio do G-20, en Londres o 2 de abril de 2009].

Máis de medio século leva a Europa da unidade, dende a Comunidade do Carbón e o Azo ata o alumbramento dubidoso do Tratado de Lisboa, cantando as glorias da idea de Jean Monnet de comezar pola economía e rematar pola política. Da comunidade económica á unión política, e, aínda que non o digan, ao superestado.

E resulta agora, pasado ese medio século, que unha tremenda crisis económica, que algúns prefiren chamar financeira, para disimular, non atopa resposta política unitaria europea na reunión dos 20 en Londres, nin, sobre todo, no día a día da política internacional. Din os devotos que iso proba que non se avanzou coa debida celeridad na construción política, pero compre preguntar cál é a velocidade ideal e quén a determina.

O certo é que actitudes como a da chanceler alemá demostran que está voltando ao rego unha Europa reticente ao unitarismo. O diferenciado enfoque das relacións con Rusia e o Leste europeu vai nesa dirección.

As economías unidas de Bruxelas non son capaces, no intento de apoiar aos países do Leste de Europa para diminuír a súa dependencia de Moscovo, o que chaman Programa de Asociación co Leste, de atopar nas súas desprovistas arcas diñeiro abondo para superar o que ofrecen os rusos. Falan de 800 millóns de dólares para seis países, mentras Rusia da 6.000 millóns a Belarus e pensa en 5.000 millóns para Ucraína.

Decían que comezar pola unidade económica remataría necesariamente na unidade política, e que outra cousa valería tanto como empezar a casa polo tellado. Peo polo menos os tellados abrigan para non mollarse. Armar tellados chamouse sempre en Europa diplomacia. E a cooperación por medios diplomáticos pode contribuír moito a resolver problemas económicos. É certo que houbo diplomacias irresponsables, pero os países europeos xa poderían confiar en controles parlamentarios da política exterior. Un dos claros motivos das políticas de Merkel e de Sarkozy é a necesidade de responder fronte a un electorado que non vai tardar en manifestarse. Gordon Brown prefere non facer caso a consideracións dese xénero, aínda que millor faría si as atendera.

A depresión económica veu confirmar que aínda son necesarios controles políticos, estatais, da economía. Os gobernos europeos que renunciaron aos instrumentos de política fiscal propios non teñen nada que ofrecer aos seus cidadáns. Obama, en troques, pode arriscarse a unha operación audaz, na que xogar o seu capital político, porque Washington e os Estados da Unión teñen recursos políticos propios.

Compre perguntar si, por fin, non estaremos albiscando unha volta á política, e na política internacional á diplomacia. É un camiño laborioso, pero a Europa de verdade ten moita experiencia, si acorda a tempo antes de esquecerla, para avanzar por ese camiño que é o seu.

Fronte ao unitarismo, sempre autoritario, compre recoñecer e cultivar o enfoque que chaman caórdico. O aparente caos resólvese de seu en orden. Hai quen diga que así funciona a Natureza, e así funcionaron as relacións internacionais, con todas as súas grandezas e miserias, deixando á marxe grandiosas filosofías da historia. Nunca, nas situacións caóticas, caíu o poder na rúa, como temía a reacción. Sempre o colle alguén a medio camiño e abre unha nova orde que precisará de outro caos para que a historia non teña fin.

Acceso ao artigo orixinal no repositorio web 1998-2012

APARTADOSTEMATICOXEOGRAFICOS

Europa ARQUIVO

IDIOMA

Galego

Date Created

Abril 2, 2009

Meta Fields

Autoria : 10041

Datapublicacion : 2009-04-02 00:00:00